

txoritxoari mokoka

Amagoia Iban

Aspaldi-aspaldikoak

Gaur irakurri dugunez, futbolak jarraitzaile multzo puska bat galdu du inguruotan azken urtebetean. Baita *reality TV* delakoaren mesedetarako galdu ere, inkesta baten arabera. Istoriorik xelebreena telebistan zeinek kontatuko ageraldi-jolasean dabilzan lagun asko eta asko ikusi dituenak jakingo du zergatik erakarri duen gure arreta Groucho Marx handiaren *Memoirs of a mangy lover* liburuaren pasarte honek: «Mundua exhibizionistaz beteta dago. Nire ustez, jende gehiena aulki batera igo eta besteoi begira-

EZ DA FILMA

Hedabide uniformedunak

EC-130E Komando Solo airez garraiatutako kontrolgune bat da, etsaiaren komunikazioak eteteko eta irrati eta telebista estazio moduan lan egiteko gaitasuna duena. Tresna militar garesti horrek aukera ematen du militarki hartu nahi den lurraldeko biztanle zibilen jarrera moldatu eta aurkako agintarien komunikabideak ezabatzeke. Ez da filma, ez. AEBetako armadak, gutxienez, Bosnian eta Afganistanen erabili du. Adierazpen askatasunaren izenean, noski.

tzen utzi ahal izateko sartzen da politikan. Horrek azaltzen du telebistako lehiaketek eta tertuliek hainbesteko audientzia arrakasta eduki izana. Milaka lagunek idatzi zuten kateetara, programetan agertu ahal izateko aukera bat erregutuz. Gehienetan, ez ziren diruaren bila ari. Publikoaren aurrean agertzea bakarrik nahi zuten. Shakespeare izeneko poeta ilun batek idatzi zuen moduan: mundua oholtza bat da, eta, dirudienez, denek nahi dute bertan egon, lehendabiziko lerroan eta erdialdean». Duela ia hiru hamarkada argitaratu zuen liburua Marxek, eta gaur-gaurkoak dirudite hitzok. Edo gaur idatzitakoak aspaldi-aspaldiko fenomeno berari eskainitakoak dira.

LABURAREN

'El gran test' lehiaketa estreinatuko dute bihar A3 katean

Paula Vazquezek eta Manu Carreñok aurkeztuko dute bihartik aurrera *El gran test* lehiaketa, 21:30ean. Europako hainbat herrialdetan arrakasta izan duen formatu bat erabiliko dute programan. Platoan 240 gonbidatu bilduko dituzte hiler, eta, zenbait galdera egin ondoren, haien adimena neurtzen saiatuko dira. Gainera, ikus-entzuleek parte hartzeko aukera izango dute, telebistaren bidez, Internetez edo sakelako telefonoz.

Pertsona ezagunekin lehiaketa bat egingo dute ETB1en, 'Ez ahaztu alzheimerra' kanpainaren barnean

Julian Iantzik eta Judith Mariezkurrenak aurkeztuta, *Ez ahaztu alzheimerra* izeneko lehiaketa emango dute astelehenetik aurrera, ETB1 katean, 22:25ean. Izen bereko kanpainaren barnean sartzen da saioa, gaitz hori dutenei dirua biltzeko helburuarekin. Lehiaketan, pertsona ezagunak osatutako bi taldek hartuko dute parte. Hilaren 19an, azkenik, telemaratoia egingen dute, dirua jasotzeko.

Rafael Albertiren omenezko dokumentala etzi La2 katean

Astelehenean ehun urte beteko dira Rafael Alberti idazlea jaio zela, eta haren omenez *El siglo de Rafael* izeneko dokumentala emango dute La2 katean, 23:00etan. Belen Morinerok zuzendu duen lan horretan hainbat pertsona elkarrizketatu dituzte: Asuncion Mateos Albertiren alarguna, Nuria Espert, Antonio Gades, Santiago Carrillo eta abar. Poetaren bizitza eta lanak izango dituzte hizpide.

ETB1. Alberto Iñurrategik eta Jon Belokik igoera kontatuko dute



ETB1. Alberto Iñurrategik eta Jon Belokik Cho Oyuko igoeran hartutako irudi bat.

Cho Oyun gora, neguan

Azken igoeraren irudiak 'Kirolez kirol' saioan ikusi ahal izango dira, gaur, 17:00etan

Urtzi Urkizu | DONOSTIA

Alberto Iñurrategi eta Jon Beloki Cho Oyu gainera (8.201 metro) igo ziren abenduaren 3an; euskal mendizaleek neguan igotako lehen zortzimilakoa izan zen, gainera. Bi mendizaleak Euskal Telebistan izango dira gaur arratsaldeko 17:00etan igoeraren kontakizuna egiteko, irudi ikusgarrien laguntzarekin. Emanaldia gaueko 00:20etan errepikatuko dute.

Iñurrategik eta Belokik *Oinak izarretan* dokumental saioko bi atal berri egingo dituzte datozen asteetan, Cho Oyun hartu-

tako irudiekin. Dokumental horietan, gainera, Tibeteko kultura, gizartea eta herritarren bizimodua ezagutzeko aukera izango dute ikus-entzuleek.

EGUNKARIAK jakin duenez, Iñurrategi «oso pozik» gelditu da Cho Oyun hartutako irudiekin. Tontorrean ordu laurden pasatu zuten, eta handik Everest, Lhotse eta Pumoriko gainak ikusi zituzten. Gainera, Goizon Arribasek beheko kanpalekutik hartu zituen irudiak biziki ederrak direla aitortu du Iñurrategik.

Bi euskal mendizaleek sekulako hotza pasatu behar izan

zuten igoera guztian. «Zortzimilakorik errazenetan ikaragarri sufritzea egokitu zaigu. Izugarritzko hotza pasatu dugu; nahiko haize gogorra ibili da hasiera-hasieratik, eta horrek hezurretaraino sartu digu hotza», esan zion jaitsieran Iñurrategik EGUNKARIAri. Belokik oinetako behatzetan izozte sintomak izan zituen, baina aurrera egin zuen. Orain, behatzak ondo ditu Belokik.

Albertoren hamabosgarren zortzimilakoa izan da Cho Oyu, eta Belokiren bigarrena. Euskal mendizaleek 47 igoera egin dituzte guztira mendi horretara; euskaldunek gehien igotako zortzimilakoa da. Eta gailurretik hartutako irudi ederrenak gaur arratsaldean ikusi ahal izango dira.

LA2



EGUNKARIA Carmen Sarmiento.

Carmen Sarmientok agur esango dio telebistari, saio berri batekin

Erredakzioa | DONOSTIA

Gaur arratsaldeko 19:00etan emango dute *Los excluidos* dokumental saioko lehenengo atala. Zazpi ataletan, Carmen Sarmiento kazetariak munduko hainbat giza taldek jasaten duten baztertzea eta marjinazioa azalduko du. 35 urte dira Sarmiento kazetari lanean dabilela, eta *Los excluidos* telebistarako egiten duen azkenekoa izango dela iragarri du. «Pobrezia herrialde aberatsek inposatutako egoera sozio-ekonomikoen eragina da. Entzutea behar duenari eman behar genioke hitza», adierazi du Sarmientok elkarrizketa batean.

Gaurko saioan Panamako indigenei buruz hitz egingo dute. Bereziki Dariengo lurraldera joko dute, wounan tribuko gazte baten bizitza jarraitzeko. Mutila eskola batera doa ofizio bat ikasteko asmoarekin, etorkizuneari bere komunitatearentzat mesedegaria izango delakoan. Saioa Intermon-Oxfam eta Entreculturas gobernuz kanpoko erakundeek ekoitzi dute.